

Қарзингизни тўланг!



09:01 / 24.08.2025 1353

سَيَنْعَلُ الْوَيْطُ مَا لَقِيَ مَسْوَءَ عَيْلَةٍ لَوْلَا لَيْسَ بِبَلَاءٍ عَنِ عَوْلِ الْوَيْطِ رِزْقُهُ بَأْسٌ
عَسْوَءٌ لِّأَهْوَارٍ مُّطِ

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам бойнинг (зиммасидаги ҳақни) бермай юриши зулмдир», дедилар».

Бешовлари ривоят қилганлар.

Ҳадиси шарифда тилга олинган «ғаний» сўзининг луғатдаги бирламчи маъноси «бой», «беҳожат» деган маъноларга далолат қилади. Аммо, машҳур аллома, ҳофиз Ибн Ҳажар Асқалонийга кўра, «ғаний» сўзи билан ҳадиси шарифда мутлақ бой кимса назарда тутилмаган балки, гарчи аслида фақир бўлса ҳам ўз қарзини адо этиш имкони бўла туриб,

кечиктириб юрвчи кимса ирода қилинган.

Шунга биноан, ҳаракат қилса, қарзини узишга имконияти бор бўла туриб, масалан сотиб, пул қилишга яроқли мулклари бўла туриб, ўзганинг омонатини қайтармай юриш бу зулм экан. Бундай одам Расулуллоҳ соллаллоҳу алайҳи васаллам ҳукми ва таърифи билан золим саналар экан. Шу боис ҳам моликий мазҳабининг илк авлоди йирик фақиҳларидан имом Саҳнун ва Асбағ ибн ал-Фаражлар «Кимки, ўзганинг қарзини қайтармай чўзиб юрган бўлса, унинг гувоҳлиги ҳам қабул қилинмайди. Зеро, Набий алайҳиссалом ундай кимсани золим деб атаганлар», деганлар.

رَجَّأُولَ الْيَلِّ لَاقَ مَلَسَ وَهِيَ لَعْلَلِ لِيَصَّيْبَنَّ لَعْنَةُ الْعُلَّالِ يَضَرَّ رِيَّ بَأَنَّ عَ
يَسَّ نَلَّ أَوْ دَمَّ حَ أَوْ يَرَأُ جُ بَلَّ أَوْ هَ أَوْ رَ . هَ تَبَّ وُقُوعُ وَ هَ ضَرَّ عَ لَّ حَ ي

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам «Топганнинг бўйин товлаши унинг обрўсини (тўкишни) ва уқубатини ҳалол қилади», дедилар».

Бухорий, Аҳмад ва Насаийлар ривоят қилганлар.

«Обрўсини (тўкишни) ва уқубатини ҳалол қилади» деган сўз Абдуллоҳ ибн Муборак айтганларидек, ундан ўзгаларга шикоят қилиш ва унга нисбатан бетакаллуфлик билан қаттиқ гапиришни ҳалол қилади, деган маънони англатади.

Шунга кўра, ўзганинг омонатини қайтаришни пайсалга солиб юрган кишидан омонат соҳиби бошқаларга шикоят қилса ёхуд унга қаттиқроқ оҳангда гапириб юборса, ҳалиги пайсалга солувчи кимса асло хафа бўлмаслиги лозим.

Аллоҳ таоло Ўз каломида шундай марҳамат қилади:

﴿إِلْحَسَنٌ إِلَّا الْإِحْسَانَ جَزَاءُ هَلْ﴾

«Яхшилиқнинг мукофоти фақат яхшилиқдир»

(Раҳмон сураси, 60-оят).

Яхшилиқ ва эҳсон бу дунёда ҳам, кишилар ўртасида ҳам фақат яхшилиқ ва эҳсон билан қарши олиниши лозимлигига нозик ишоралардир.

Одамлар билан ўзаро муомаламизда ҳам ушбу ояти каримани ўзимизга шиор қилиб олишимиз нақадар гўзал.

لَاؤْمَأَدَحْأَنَمَ: لَأَقَمَلَسَوَهَوَيَلَعُجَلَلِ لَأَصَيَبَلَلَأَنَعُ، نَعُجَلَلِ لَأَصَرَرَهَرَيَبَأَنَعُ
يِرَأُجَبَلَأَهَأَوُرُ. جَلَلِ لَأَفَلَتَأَأَفَلَتِ إِدَيَرَيَدَحْأَنَمَوُ، نَعُجَلَلِ لَأَدَأَهَأَدَأُ دَيَرَيَسَأَنَلِ

Абу Хурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Ким одамларнинг молларини (қарзга) олиб, уни адо этишни ирода қилса, Аллоҳ ундан (ёрдами ила) адо этади. Ким йўқ қилишни ният қилиб олса, Аллоҳ уни йўқ қилади», дедилар».

Имом Бухорий ривояти.

Ушбу ҳадиси шариф ҳам набавий мўъжизалардан бири ҳисобланади. Кўпинча, бировнинг омонатини олаётганда уни сидқидилдан қайтариш ниятида бўлганларга Аллоҳ ёрдам бериб, қарзларидан узилишларини осон қилиб қўйганининг гувоҳи бўламиз. Аксинча, бировдан қарз, омонат ва ҳоказо олаётганда ниятида қайтариш бўлмаган кишиларнинг ўша қўлларидаги моллари уларга фойда бермайди. Балки, баракасиз совурилиб кетади ва бўйинларида қарздорлик қолиб кетади.

Ушбу ҳадиси шарифдан иккита чуқур маъно ва фойда истифода қиламиз. Биринчиси, ўзгаларнинг молини қарз ёки орийат ва бошқа хил мубоҳ йўллар билан олувчи киши мазкур омонатларни қайтаришга бўлган азму қарори кучли бўлса, омонатдор бўлса, Аллоҳ унинг ниятига мувофиқ қарзни узиш йўлларини осон қилиб қўйиш орқали унга ёрдам беради. Ёхуд қарз соҳибларининг қалбларини унга эзгулик билан мойил этиб, қарзларидан кечиб юборишларини дилларига илҳом қилади. Бу дунёда бирор жиддий сабаб билан қарзини узолмай қолса ҳам Қиёмат кунида Аллоҳ таоло унинг савобларини қарз соҳибларига бериб, уларнинг гуноҳларини унинг елкасига ортмайди. Балки, қарз соҳибларига алоҳида ажр-савоблар ато этади. Чунки, унинг нияти пок, азми содиқ ва охиригача ҳаракат қилган эди. Бироқ, Аллоҳнинг иродаси ва ўзининг имконсизлиги сабаб қарзини қайтаришдан ожиз бўлиб қолганди. Шунинг учун агар бу дунёда бўлмаса, Аллоҳ таоло Қиёмат куни албатта уни қўллаб юборади.

Ҳадисдан олинадиган иккинчи фойда, ўзгалар молини омонат қилиб олаётганда, уларни эгаларига соғ-саломат ҳолда қайтариш нияти бўлмаган Аллоҳ таоло балога гирифтор қилиб қўяди. Уларнинг тан-жонига,

мол-давлатларига талафот етказди ва ризқларидан баракани суғуриб олади. Бошлари бало ва мусибатдан, муаммолардан чиқмай қолади. Негаки, ундай кимсалар яхшиликни ёмонлик билан қарши олаётганлари жиҳатидан Аллоҳга қарши бош кўтарган, Унга қарши муборазага журъат қилган кимсаларга айландилар. Аллоҳ эса доим Ўзига қарши уруш очганларни нобуд қилган ва талафотга йўлиқтирган. Бу Унинг ўзгармас суннатидир.

Алишер Султонходжаев

Ушбу мақола Ўзбекистон Республикаси Дин ишлари бўйича қўмитасининг 2025 йил 22 июлдаги 03-07/4389-сонли рухсати асосида тақдим қилинди.